



A COMPAGNA
DICTIS FACTA RESPONDENT

1923 - 21 GENNAIO - 2023

1000

ANNI



A COMPAGNA

DICTIS FACTA RESPONDENT

BOLLETTINO TRIMESTRALE, OMAGGIO AI SOCI - SPED. IN A.P. - 45% - ART. 2 COMMA 20/B LEGGE 662/96 - GENOVA
Anno LV, N.S. - N. 1 - Gennaio - Marzo 2023

Iscr. R.O.C. n. 25807 - Tariffa R.O.C.: "Poste Italiane S.p.A. - Sped. in Abb.to Postale - D.L. 353/2003 (conv. in L. 27/02/2004 n. 46) art. 1 comma 1, DCB Genova"

sito internet: www.acompagna.org - posta@acompagna.org - tel. 010 2469925

in questo numero:			
Franco Bampi <i>L'anno da Compagna</i>	p. 1	Alessandro Pellerano <i>Marinetta e dintorni</i>	p. 15
Grifo	» 2	Isabella Descalzo <i>A Croxe de San Zòrzo</i>	» 20
Silvana Ghigino <i>Salviamo il mosaico del castello del parco</i>	» 4	<i>Libbri riçevui</i>	» 22
<i>Durazzo Pallavicini a Pegli</i>	» 4	<i>Premi e menzioni speciali 2023</i>	» 25
Almiro Ramberti <i>La tavola di Polcevera.</i>	» 6	Maurizio Daccà <i>Vitta do Sodalissio</i>	» 26
<i>Una straordinaria testimonianza dal lontano passato</i>	» 6	<i>Bravo Giulio Risso!</i>	» 37
Francesco Pittaluga <i>Gh'ea 'na vòtta Zena...</i>	» 10	<i>Occasioni per ricordare centenari cinquantenari del 2023</i>	» 38
Piero Bordo <i>Alpennino</i>	» 12	<i>I Venerdì a Paxo - I Mercoledì Musicali</i>	» 39
		<i>Le conferenze de A Compagna</i>	» 40

L'ANNO DA COMPAGNA

di Franco Bampi

Comme succede ògni anno da-o 1951, anche st'anno chi s'é celebrò o Confeugo, a çeimònia do scangio di ouguri tra a Compagna, e quindi Zena, e o Scindico da Çitàe. In rito antigo, stabilio da-a Republica de Zena quande a l'ea potente e indipendente, arivòu finn-a a niatri e mantegnuo inte forme da tradiçion da-a nòstra ativa asociaçion: a Compagna!

Tradiçionali son i mogogni che l'Abòu do Pòpolo (o prescidente da Compagna) o fa a-o Dûxe de Zena (o scindico); ma quest'anno ò dovuo pe fòrsa comensâ, no da 'n mogogno, ma da 'na beliscima notiçia ch'a rigoarda a Compagna. O 12 d'òtobre a Compagna a l'é stæta inscignâ da mascima onorificensa do Comun de Zena: o griffò! Con questa motivaçion:

Pe l'indispensabile e fondamentale inpegno a-o serviçio da Citæ de Zena into conservâ e promeuve e divulgâ o patrimonio culturale zeneize.

A Compagna tutta a l'é ònorâ de questo riconoscimento,



ancon de ciù perché o vegne into novantenoveximo anno d'ativitàe. O doimillavintitrei o l'é l'anno do çentanâ: a Compagna a fa i çent'anni o 21 de zenâ do 2023: o giorno dòppo, domenega 22 de zenâ a eutt'e meza de seia, sei tutti invitæ a-o Carlo Felice pe-o spettacolo di festezamenti. Piggiæne nòtta: o l'é de badda!!!

Sciben che semmo contentiscimi pe tutto quello ch'ò dito, l'é ciæo che i mogogni no poeivan mancâ. Tante vòtte ò dito a-o Confeugo che Zena a l'é 'na çitæ sucida, ma sta vòtta chi o vosciuo vedde a cösa da 'n atro ponto de vista pe concludde che Zena a l'é sucida peché gh'é ci l'inciastra! Purtròppo pâ che i çitadin son apreuo a perde o senso civico de vive inte 'na comunitæ con de regole che no son scrite, ma che son de bon senso comme: se ti veu a çitæ polita no inciastrala! O Scindico o l'à replicòu co- notâ che quello ch'ò dito pâ ese 'na 'senplice' (se fa pe dí), ma intolerabile mancansa d'educaçion. Aloa cöse se peu fâ? Insciste insciste, insciste pe educâ torna a-o senso civico i nòstri conçitadin perché, comme diva i latin: repetita iuvant !

Dopo quarche atro mogogno ò concluзо co-îna cösa che, da tempo, a me sta in sciò cheu: a fontann-a de ciassa De Feræ. Sta fontann-a a l'é 'na fuxon unica, 'n'inpreiza pe quelli tenpi, portâ, co-in gran giamin, in ciassa De Feræ. A l'é stæta progetâ pe avei in roggio d'ægoa drito e erto e pe recuperâ l'ægoa con fala cazze zu da-a vasca cosci da fâ in beliscimo efetto cortinn-a. Sta cösa chi a no se peu ciù vedde perché i roggi d'ægoa missi d'in gio e sparæ contra a vasca no permettan a-a cortinn-a de formase. Ma in sce questa cösa a rispòsta a l'é stæta che i roggi no se peuan asbasciâ, se no asmortandoli do tutto, con grande perdia pe l'inpatto scenografico de tutti i zeughi d'ægoa.

Concluddo ricordando che o 22 de zenâ a eutto e meza de seia (in italia alle 20:30) a-o Carlo Felice ch'é o spettacolo pe-i çent'anni da Compagna: **l'ingresso o l'é de badda!**

O tiatro o tegne 2000 pòsti: çerchemmo d'ese in tanti da no lasciâ manco in pòsto veuo!

Pe Zena e pe San Zòrzo!

